



Siverth K. Heilmann

UPA 2023/62-1

Atassut

09. Maj 2023

**Innuttaasunut, aalisartut, piniartut savaatillillu inuussutissarsiorlutik ingerlatsinerminni silap allanngoriartorneranut attuumassutilimmik ajunaarnersuarmut assingusumik eqqugaa-sut aningaasatigut ikiorserneqarnissaat siunertaralugu Naalakkersuisut Aningaasanut Inatsimmi kontumik nutaamik pilersitseqquullugit Naalakkersuisut peqquneqarnissaannik Inatsi-sartut aalajangiiffisassaattut siunnersuut. Kontomik pilersitsinerup peqatigisaanik kattuffiit attuumassuteqartut suliamut akiliutsinnerisigut ikorsiisarnermik aaqqissuussinermut periu-sisanik aalajangersaanissamik Naalakkersuisut suliaqassapput, tamanna kontumi pingaarnermi oqaasertaliinikkut imaluunniit namminerisamik inatsisissatut siunnersuuteqarnikkut pissaaq.**

(Inatsisartunut ilaasortaq Agathe Fontain, Inuit Ataqatigiit)

Siullermik inatsisartuni ilaasortaq Agathe Fontain, Inuit Ataqatigiit qulaani quleuttaq pillugu siunnersuuteqarninnut qujanaq, imatullu naatsumik Atassummiit oqaaseqarfingissavarput.

Aalajangiiffisassatut siunnersuutigineqartoq ilisarnarluartoq 1900-kut naajartorneranili inatsisartuni eqqartortagarpit iliuuseqarfingisimasarpullu, massakkut ajunaarnersuarmut assingusumik eqqu-gaasoqartillugu kontumik nutaamik pilersitseqqusinermik siunertalik, tunngaviatigut nalilorsorne-qarnissaa Atassummiit taperserparput.

Oqartoqartarpooq silaannaq kissatsikkiartortoq, sila isugutannerulingaamat qangamut sanilliullugu nillernerujussuusarnera, immatta kissarnerulerteragut aalaq pinngortarnera, silallu kippasissumik anoreqartillugu unerisimannginnerusarnera oqariartutigisagara eqqaasissutigiinnassavara.

Immatta kissarnerulerteragut, qujanaqisumik immami uumassusillit aalisakkat kingumut utersaaq-qikkiartuinnarneri aningaasarsiornitsinnut pitsaasumut sunniukkiartuinnarneri atorluarnerunissaanut Atassummiit oqariartortqaagut aammalu puisit il il ingerlaarfii allanngornikooqaat.

Savaatillit matumani aamma pinngortitap allanngorarneranik pitsaanngitsumik eqquaasarnerat pineqarmat, siunnersuuteqartup naaperiarlugu, suliap aappasaaneerneqartigani ataatsimiitaliami pitsaaqutit ajoqutillu nalilersorneqarnissaat Atassummiit taperserparput.

Qujanaq.